

資治通鑑綱目

第五函

資治通鑑綱目卷之九

上冊

明 史官陳仁錫評閱

起丁亥漢光武帝建武三年凡四十九年
盡乙亥漢明帝永平十八年

丁亥三年春正月以馮異爲征西大將軍○鄧禹

馮異與赤眉戰敗績

鄧禹慚於受任無功數以飢卒徼赤眉戰輒
不利乃率車騎將軍鄧弘等自河北度至湖
要馮異共攻赤眉異曰赤眉衆尚多可以恩
信傾誘難卒用兵破也上今使諸將屯澠池

識時達勢
之言

要其東而異擊其西一舉取之此萬成計也
禹弘不從弘遂大戰移日軍潰異與禹合兵
救之赤眉小卻異以士卒飢倦可且休禹不
聽復戰大為所敗禹以二十四騎脫歸宜陽
異棄軍走與麾下數人歸營復收散卒堅壁
自守延平陳氏曰鄧禹以桐邑付之惜歆其
失在不知人而已今慚受任無功不量可否
用飢卒取敗可謂不知命矣若馮異不守所
見曲從二鄧幾不自脫雖

集覽

徵赤眉徵或作邀通作要

終能成功不為無罪也

音伊消反遮也下要其東同要馮異要去聲
約也澠池縣名屬弘農禹貢注屬河南郡澠
當作黽俗作

正誤

要馮異今按要平聲亦訓
澠音彌亮反約論語久要是也此為邀

二年立宗廟于洛陽至是始立親廟次第合禮

而約之之義下文要其東則邀遮也

質實

一統志云湖縣名注見武帝大始二年澠

池漢之縣名屬弘農郡以地在崤阻間故名新莽改陝亭東漢復舊曹魏徙治蠡城西魏屬河南郡後周屬同軌郡隋徙治大塢城屬熊州後屬宜陽郡唐初屬穀州貞觀初徙今治宋屬河南府金置韶州元省州復為縣本朝因之屬河南府宜陽縣名注見周安王十一年

立四親廟于洛陽。

祀父南頓君以上至春陵節侯

質實

南頓君以上至春陵節侯按東漢紀云景帝生

長沙定王發發生春陵節侯買買生鬱林太守外外生鉅鹿都尉回回生南頓令欽是謂四親也南頓縣名注見建武十九年春陵縣名注見新莽地皇三年

鄧禹上大司徒印綬以爲右將軍○馮異大破

赤眉於崤底賊衆東走帝勒軍宜陽降之得傳

國璽綬

馮異與赤眉約期會戰使壯士變服與赤眉同伏於道側旦日赤眉使萬人攻異前部異少出兵以救之賊見勢弱遂悉衆攻異異乃縱兵大戰日晏賊氣衰伏兵卒起衣服相亂

赤眉不復識別，衆遂驚潰，追擊大破之於崤底。降男女八萬人。帝降璽書勞異曰：「始雖垂翅回谿，終能奮翼澠池，可謂失之東隅，收之桑榆。」赤眉餘衆東向宜陽。帝親勒六軍嚴陳以待之。赤眉忽遇大軍，驚震，乃遣劉恭乞降。曰：「盆子將百萬衆降，陛下何以待之？」帝曰：「待汝以不死耳。」丙午，盆子及丞相徐宣以下肉袒降。上所得傳國璽綬，赤眉衆尚十餘萬人。帝令縣厨皆賜食。明旦，大陳兵馬臨雒水，令盆子君臣列而觀之。帝謂樊崇等曰：「得無悔降乎？」朕今遣卿歸營勒兵，鳴鼓相攻，決其勝負。不欲彊相服也。」徐宣等叩頭曰：「臣等出長安東都門，君臣計議歸命聖德，今日得降，猶去虎口歸慈母，誠懼誠喜，無所恨也。」帝曰：「卿

所謂鐵中錚錚，傭中佼佼者也。賜樊崇等洛陽田宅，帝憐盆子，以爲趙王郎中。

集覽

〔崤底〕崤山名，今陝縣東二崤是也。底下也。元和志云：東崤至西崤三十五里，在秦關之東。漢關之西，杜預曰：在弘農澠池縣西。崤通作穀。括地志云：洛州永寧西北二十里，古穀道也。〔回谿〕在澠池之北，俗名回坑。東隅隅陬也。東隅，日出處也。〔桑榆〕前書谷永曰：太白出西方六十日，法當參入，今已過期，尚在桑榆之間。注：桑榆謂晚也，或作日入處也。淮南子曰：西日垂景在樹端，謂之桑榆。傳：國璽綬璽王者印也。綬帶也，所以繫璽。黃赤綬四采，武都紫泥封盛，以青囊白素裹，兩端無縫，尺一版中約署衛宏曰：秦以前以金銀爲方寸璽，秦

得和氏璧乃以玉爲之螭獸紐在六璽之外
李斯書其文曰受命于天既壽永昌號曰傳
國璽漢高定三秦子嬰獻之後王莽篡逆就
元后取之莽敗王憲得之李松入長安斬憲
取璽送上更始更始奉赤眉立劉盆子
盆子奉上光武後董卓作亂掌璽者投諸井
孫堅入洛討卓軍於城南見井中有五色光
堅乃浚井得璽袁術僭逆乃拘堅妻奪之時
徐璆被徵詣京師道爲術所劫後術死璆得
璽還以上獻帝漢以禪魏魏以禪晉前趙劉
聰使劉曜入洛陽執晉懷取璽詣平陽後爲
石勒所并璽乃屬勒勒爲冉閔所滅璽屬閔
閔敗璽存閔大將軍蔣幹幹求救於晉謝尚
時尚使戴施據枋頭遂入鄴助守給幹得璽

以晉穆帝永和八年還建康又六璽注見靈
帝中平六年雒水雒本作洛洛水出弘農上
洛縣冢嶺山東北至河南鞏縣入河括地志
云洛水源出慶州洛源縣別於山南入渭鐵
中錚錚錚初耕反金聲也鐵中錚錚謂鐵之
微有剛利者傭中佼佼佼佼古巧反好也傭中
佼佼言凡傭之人稍爲勝者趙王郎中趙王
名良漢同姓也王國置郎中掌宿衛執戟

正誤

傭中佼佼今按佼佼疑與佼佼通
謂如傭作人中之狡猾者

質實

一統志云

崤山名注見安帝元初二年回谿在河南府
永寧縣北六十里洛水源出西安府洛南縣
冢嶺山東流經盧氏永寧宜陽洛陽偃師
鞏縣入於河禹治水時神龜負書出于此

書法

書傳國璽綬何重國寶也書傳國璽

節以降則書泰乙未年得傳國璽綬則書
是年張寔得璽獻之則書晉愍帝建興三
年謝尚得傳國璽獻之則書穆帝永和八
年盜竊梁傳國璽歸之於齊則書梁壬申
年上皇遣使奉冊寶如靈武則書唐玄宗
天寶十五年冊寶至自成都則書同上年
唐遣使奉冊寶如梁則書昭宣帝四年晉
得傳國寶則書五代辛巳年晉作受命寶
則書戊戌年周更作二寶則書癸丑年終
綱目書得璽三得寶一作寶二奉璽寶三
竊璽

二月劉永立董憲爲海西王張步爲齊王步執

伏隆殺之

劉永聞伏隆至劇亦遣使立張步爲齊王步貪王爵猶豫未決隆曉譬曰高祖與天下約非劉氏不王今可得十萬戶侯耳步欲留隆與共守二州隆不聽求得反命步遂執隆而受永封隆遣間使上書曰臣隆奉使無狀受執凶逆雖在困阨受命不顧願以時進兵無以臣隆爲念帝得隆奏召其父湛流涕示之曰恨不且許而遽求還也其後步遂殺之延平陳氏曰伏隆之求還足以成命矣死而無憾安用且許之乎光武之言所以慰其父耳

集覽

劇蓄川國邑時張步都此括地志云蓄川劇縣故城在青州壽光南三十里

質實

一統志云伏隆東武人伏生十世孫劇漢之縣名屬北海郡曹魏省之故城在

青州府壽光縣西南三十里張步琅邪不其人

三月以伏湛爲大司徒○涿郡太守張豐反彭

寵自稱燕王

豐反與彭寵連兵朱浮以帝不自征彭寵上疏求救詔報曰度此反虜執無久全其中必有內相斬者今軍資未充故須後麥耳浮城中糧盡人相食會耿况遣騎來救浮乃得脫

身走、薊城遂降於
質實

涿郡注見帝玄更始
二年薊城即薊縣注

同上
年

帝自將征鄧奉夏四月奉降斬之

考異據二年書將軍

鄧奉反而此上文書征則
下當書奉降誅之誤作斬

帝追奉至小長安與戰大破之奉肉袒因朱
祐降帝憐奉舊功臣且釁起吳漢欲全宥之
岑彭耿弇諫曰鄧奉背恩反逆暴師經年陛下
既至不知悔善而親在行陣兵敗乃降若不
誅奉無以懲惡於
集覽小長安聚落名釁
起吳漢釁爭端也

去年吳漢徇南陽鄧奉怒漢掠其鄉里遂反擊漢悔善悔過而向善

質實

一統志云

朱祐南陽宛人

馮異擊延岑破之岑走南陽關中平

延岑既破赤眉卽拜置牧守欲據關中時關中衆寇猶盛各稱將軍據地擁兵多者萬餘人少者數千人馮異屯軍上林苑中延岑引寇張邴任良共攻異異擊大破之諸營堡附岑者皆來降岑遂自武關走南陽時百姓飢餓道路斷隔委輸不至馮異軍士悉以果實爲糧詔拜趙匡爲右扶風將兵助異并送縑穀異兵穀甚盛乃稍誅擊豪傑不從令者褒

賞降附有功勞者悉遣諸營渠帥詣京師散其衆歸本業威行關中餘寇悉平

集覽

爲右扶風句絕

質實

武關注見周赧王四年南陽郡名注見秦二世

三年

吳漢圍劉永將蘇茂于廣樂大破之

漢率驍騎大將軍杜茂等七將軍圍蘇茂於廣樂周建招集得十餘萬人救之漢迎與之戰不利墮馬傷膝還營建等遂連兵入城諸將謂漢曰大敵在前而公傷臥衆心懼矣漢乃勃然褰創而起椎牛饗士慰勉之士氣自倍旦日蘇茂周建出兵圍漢漢奮擊大破之

茂走還湖陵

質實

一統志云杜茂南陽冠軍人廣樂縣名未詳沿革湖陵秦之縣

名屬薛郡漢初仍舊後改爲侯國東漢廢之故城在兗州府魚臺縣東六十里漢沛公攻

湖陵

卽此

睢陽人反城迎劉永蓋延引兵圍之○五月帝

還宮是月晦日食○六月大將軍耿弇擊延岑

走之其將鄧仲况以陰降

仲况據陰縣而劉歆孫龔爲其謀主前侍中扶風蘇竟以書說之仲况與龔降竟終不伐

其功、隱身樂道、壽終於家、

集覽

〔陰縣〕春秋穀伯國楚地陰國所遷秦漢為縣屬南鄉

郡隋改曰陰城

質實

一統志云〔陰〕漢之縣名屬南陽郡晉屬順陽郡

宋陞光化軍

西魏置陰城縣屬鄧城郡後周郡廢隋以縣屬襄州唐廢為陰城鎮宋置光化軍領乾德

縣熙寧中軍廢改乾德為光化軍元屬襄陽府本朝因之仍屬襄陽府〔扶風〕郡名注見

周顯王八年

岐縣

秋七月遣岑彭擊秦豐于鄧破之進圍黎丘別

遣兵徇江東揚州平○睢陽人斬劉永以降諸